



Inatsisartuni ilaasortaq, Pele Broberg  
Partii Naleraq

## **Bilitsinik utertitsinissaq aamma 2020-mi takornariaqarneq pillugu § 37 naapertorlugu apeqquteqaammut 2020-074-imut akissut**

22-05-2020  
Suliaq nr.: 2020 - 8361  
Id nr. 53136252

Asasara Pele Broberg

Inatsisartut suleriaasianni § 37 naapertorlugu bilitsinik utertitsinissaq aamma 2020-mi takornariaqarneq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

### **Apeqqut 1. Nappaatip tunillaassuuttup atuunera sioqqullugu timmisartukut angalanarlutik billetisisimasut, nappaalasoqarneralu peqqutigalugu angalarusugunnaartut, billetit akilersimasaasa utertinnissaat isumannaarniarlugit Naalakkersuisut qanoq iliuuseqarniarpat?**

*Akissut:* Kalaallit Nunaanni inuussutissarsiutinik, isumaqatigiissutit ersarissut, atuuttussatut inatsisillu malillugit isumaqatigiissutigineqartut ataqqillugit ingerlatsisinnaanissap, politikikkut peqqutit tunngavigalugit kingumoortumik atuuttussatut oqartussaasunit pinngitsaaliissummik allanngortinneqannginnissaat Naalakkersuisunit pingaartilluinnarneqarpoq.

Taamaattumik Naalakkersuisut angallassinissamut isumaqatigiissutinut atuuttunut kingumoortumik atuuttussatut piumasaqaatinik allannguiniarnissamut pilersaaruteqanngillat.

Kisiannili Air Greenlandip maanna nammineerluni suliniuteqarnermigut innuttaasunut corona-p ajornartoortitsineranit eqqugaasunut suliniutissanik aallartitsinera nuannaarutiginarpoq.

### **Apeqqut 2. Air Greenland, Arctic Umiaq Line imaluunniit angallassisartut allat, angalanissamut "billetinik utertissinnaanngitsunik" billetisisimasunut akiliutip tamakkiisup utertinneqarnissaa isumannaarniarlugit Naalakkersuisut pisariaqartutigut qanoq peqqussuteqarsinnaappat?**

*Akissut:* Innuttaasut ataasiakkaat aningaasartuutaannik innuttaasut allat eqqorneqaatigisaannik utertitsinissamut inatsisitigut tunngavissaqanngilaq.

Aamma inatsisitigut allannguinnissaq, kingumoortumik atuutilersussaq taamaattoq isumaqatigiissutaareersunut maleruagassiuussinermut atorneqassappat, tassalu bilitsinik allanngortinneqarsinnaanngitsunik pisiarineqareersunik utertitsisoqassappat pisariaqartussaavoq. Tunngaviumik Naalakkersuisut isumaqarput, kingumoortumik atuutilersussamik inatsisiliornissaq naapertuutinnigitoq.

Taamaattorli Air Greenlandip maanna nammineerluni suliniuteqarnermigut innuttaasunut corona-p ajornartoortitsineranit eqqugaasunut suliniutissanik aallartitsinera nuannaarutiginarpoq

**Apeqquut 3. Naalakkersuisut pilersaaruteqarnerpat, siunissami angalaniartunut "Takuss" billett Air Greenlandimi pisiat aamma tamakkiisumik utertinneqarsinnaanngornissaat aaqqiissuteqarfiginiassallugu?**

*Akissut:* Siunissami taamaallaat bilitsinik allanngortinneqarsinnaasunik tuniniaalernissaq, imaluunniit bilitsinik tuniniaasarnermut maleruagassanik assingusunik piumasaqaatinillu assigiissaariviusunik atuutsitsilernissamik pilersaarusiornissaq pillugu Air Greenlandimut assartuussisunulluunniit allanut peqqusinnissamik Naalakkersuisut pilersaaruteqanngillat.

Naalakkersuisut isumaqarput, inuussutissarsiutinik ingerlataqartut namminneerlutik niuernermit tunngasut piareersartassagaat, taamaalillunilu innuttaasut periarfissarpasuit neqeroorutigineqartut akornanni qinigassaqaarsinnaassasut. Periarfissani taakkunani tunisassiat neqeroorutigineqartut akitigut malunniuteqartinneqartassapput.

Naalakkersuisut isumaqarput, bilitsinik Takuss-inik/bilitsinik aappaluttunik akikinnerusunik pisinermi annaasaqaarsinnaaneq sillimaffigineqartussaasoq akikinnerusumillu akiliinermi pissutsit nalinginnaasut atuunnerini bilitsip allanngortinneqarsinnaannginnera akuerineqarsimassasussaasoq.

Aamma Naalakkersuisut isumaqarput, Air Greenlandip bilitsinut taakkununga piumasaqaatai allanngortinneqarsimangitsut, piffissallu sivisuup ingerlanerani angalasussanit ilisimaneqareersut.

**Apeqquut 4. Naalakkersuisut 2020-imi umiarsuit takornarianik angallassisut nunatsinnut tikittarnissaat akuerissallugit pilersaaruteqarnerpat?**

*Akissut:* 2020-mi sumiiffiit ilaannut – immaqa sumiiffinnut najugaqarfigineqanngitsunut – umiarsuit takornariartitsisartut Kalaallit Nunaannut tikissinnaaneri pillugit ersarissumik isummertoqarnissaa inissiisoqarnissaaullu sullissisut akornanni ugartorneqarpoq.

Umiarsuit takornariartitsisartut isumannaatsumik tikittarnissaat periarfissaqarnersoq, aammalu nunami namminermi nunanilu tamalaani inatsisit eqqarsaatigalugit 2020-mi umiarsuit takornariartitsisartut tikittarnissaat periarfissaqarnersoq inissinneqarsimaleriarpat, apeqquut taanna Naalakkersuisunit isummerfigineqassaaq. Naalakkersuisuniit nunani sanilitsinni suliassaqaarfiup iluani suliniutaat malinnaaffigineqarput, aammalu nappaassuup ineriartornera tuniluunnerullu siaruariartorsinnaanera malinnaavigalugu. Erseqqissaatigineqassaaq, maannarpiaq Kunngeqarfik Danmarkip killeqarfii akuerisanik siunertaqarnerit saniatigut allanut tamanut matoqqatinneqarmata.

**Apeqquut 5. Naalakkersuisut 2020-imi takornariat nunatsinnut tikittarnissaat akuerissallugu pilersaaruteqarnerpat?**

*Akissut:* Maannarpiaq apeqquut taanna akineqarsinnaanngilaq. Erseqqissaatigineqassaaq, maannarpiaq Kunngeqarfik Danmarkip killeqarfii akuerisanik siunertaqarnerit saniatigut allanut tamanut matoqqatinneqarmata.

Naalakkersuisuniit nunani sanilitsinni suliasaqarfiup iluani suliniutaat malinnaaffigineqarput, aammalu nappaassuup ineriartornera tuniluunnerullu siaruariartorsinnaanera malinnaavigalugu.

**Apeqquut 6. Nappaassuup tunillaassuuttup atuunnerata kingunerisaanik inuiaqatigiit aningaasaqarnerannit isigalugu mittarfiliassarsuarnut aningaasalersuutigineqartunut sunniutipiluutaasussat pillugit Naalakkersuisut qanoq iliuseqassallutik pilersaaruteqarpat?**

*Akissut:* Mittarfinnik alliliinerit inuiaqatigiit aningaasaqarnerannut kingunerisassaannik naliliinerni, 2018-imi suliarineqartuni ukiuni 25-ni misissueqqissaarnissat maanna naliusut tunngavigalugit aningaasat ingerlaarnissaat sammineqarpoq. Coronamik ajornartoorneq mittarfiit nutaat 2023-miit ukiuni 25-ni tulluuttuni atulernissaannut sunniuteqassanersoq Naalakkersuisunit maannarpiaq eqqoriarneqarsinnaangilaq. Aamma misissueqqissaarnermi naatsorsukkat Kalaallit Nunaanni angallassinermi suliat, coronamik ajornartoonissaq sioqqullugu ingerlanneqartut aammalu angallannermi ingerlaartunik nikerartitsiviunngitsorujussuarmik naliliinerit tunngavigalugit naatsorsorneqarsimapput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Karl Frederik Danielsen